



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

CXIX. Kurfürst Friedrich erstreckt die auf das Dorf Brachwitz dem Heinz Kracht ertheilte Angefälls-Verschreibung auch auf dessen Bruder Albrecht, am 11. März 1450.

[urn:nbn:de:hbz:466:1-54728](https://nbn-resolving.org/urn:nbn:de:hbz:466:1-54728)

Qwaſte, ſinen rechten Erben vnd Erbnehmen vnd getruwenhenderen Hannſe vonn Bredow zu ſrifagk, Heinrich Hondorff zu koſicz, Ader wer diſſen briff mit Irem gutem willin vnd wiſſen Inne hat, Nu vf diſſen negtkomenden ſante Merteins tage furdir ubir ein Jar gutlichen vnd wol zu dancke Ane Alles argk vnd Hullſrede zu bezalen mit einer rechten gefampter hant, keiner ſich vzzuzeyhen mit ſiner Anzal etc. — Auch ſal die gefampte hant nicht furder mehir, wenn einſz zu huſze vnd zu hoſe zu fuchin, mit Boten ader mit briffen, vnd wenn die gefampte hant Alfo eyns zu huſze vnd zu hoff irſucht iſt, ſal die gefampte hant gewonnen vnd irfordert ſin, ab ſie mit allem rechte genczlichen erfordert were: vnd ob dem vorgnannten Hennynck Qwaſt vnd ſinen rechten erbin vnd Erbnehmen vnd ſinen getruwe hendern Ader wer diſſin brif mit Iren guten willen vnd wiſſin Innehat, eyner ader czwen von vns vorgeſchriben ſachweldigen ader burgen beqweme wer, das ſie den ſullen vnd mogen ſie ſulche ſumme goldis vorgeſchriben vnd ſchaden abemanen In allermaſze vnd wiſze, ab wir alle zu ſammen weren, ane allis geuerde. Auch were, das vnder vns Burgen Eynar ader mehir abegingen todliſzhalben, das got lanngē wende, So globen wir noch lebenden, So fulkomelichen zu halden, Ab wir alle lebeten. Auch ſal diſſen brif nymandt brechen mit rechte ader mit vnrechte, dem obgnannten Hennynck Qwaſt, ſinen rechten Erben vnd Erbnehmen vnd ſinen getruwen hendern ader wer diſſen brif mit iren guten willen vnd wiſſin Inne hat, es ſi denn ſuleh obingefchriben ſumme goldis wol zu dancke bezalet mit dem ſchaden. Wer es auch, das vns der vorgnannte Henning Qwaſt, ſine rechtin erben vnd Erbnehmen vnd getruwenhendern vorgnannte Ader wer diſſen brif mit Iren guten willen vnd wiſſen Innen had, Ir gelt abe Irmanten mit ſcheltworten, des ſullen ſie von vns vnbedeingt blihen etc. — Berlin, Nach criſti vnſres herrn gebort Milleſimo Quadringentefimo XLIX^{mo}.

Nach dem Churm. Lehnſcopialbuche XX, 196. Vgl. Cod. I, X, 536.

CXIX. Kurfürſt Friedrich erſtreckt die auf das Dorf Brackwitz dem Heinz Kracht ertheilte Angefälls-Verſchreibung auch auf deſſen Bruder Albrecht, am 11. März 1450.

Wir ſridrich etc., Bekennen —, So als wir denn vor czyten vnſerm diener etc. henczen kracht vnd ſeinen erben das dorf Bragkwitz zu lehen vnd zu angeſelle verlihen haben, hat vns der gnante heincz zu derſelben czyt mit ſliſz gebeten, ſolch guter Albrechten, ſeinem Bruder, mit zu liehen, als haben wir vmb des gnannten heinczen ſliſſiger bete willen albrechten, ſeinem Bruder, das dorf Bragkwitz mit geliehen vnd glich dem gnannten henczen verſchriben, doch alſo vnd In der meynunge, das dieſelbe vnſer verſchreibung dem obgnannten henczen vnd ſeinen erben vnſchedelichen ſy. Wurde aber der vorgnannte hencze vnd ſeine erben ane erben verſterben, So ſol das dorf Bragkwicz denn an Albrechten vnd an ſein erben gefallen vnd kommen etc. Berlin, am Mitwochen nach Oculi, Anno domini etc. L^{mo}.

Recognouit dominus per ſe et legit.

Nach dem Churm. Lehnſcopialbuche XX, 99.